

Риёзус солиҳийн (болалар учун) / Риёзус солиҳийн (болалар учун) / 20-ҳадис

20 - وَعَنْ سَهْلِ بْنِ سَعْدٍ رَضِيَ اللَّهُ عَنْهُ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «أَنَا كَافِلُ

الْيَتِيمِ فِي الْجَنَّةِ هَكَذَا» وَأَشَارَ بِالسَّبَابَةِ وَالْوَسْطَى، وَفَرَّجَ بَيْنَهُمَا». رَوَاهُ الْبُخَارِيُّ.

و«كَافِلُ الْيَتِيمِ»: الْقَائِمُ بِأُمُورِهِ.

Саҳл ибн Саъд розияллоху анҳудан ривоят қилинади:

Расулуллоҳ соллаллоху алайҳи васаллам:

«Етимни қарамоғига олган мен билан жаннатда мана бундайдир» деб, кўрсаткич ва ўрта бармоқларининг орасини озгина очиб, ишора қилдилар».

Имом Бухорий ривоятлари.

Шарҳ: Кўпинча, етим бола доим моддий ва маънавий маҳрумликни ҳис қилиб яшайди. Етимлар жамият аъзолари уларни камситмасдан уларга гўзал муомала қилинадиган соғлом муҳитда яшашлари керак. Шунинг учун Набий саллаллоху алайҳи васаллам етимларни қарамоғга олишни, уларга яхшилик қилишни тарғиб этганлар. Етимларга ғамхўрлик кўрсатган инсонни эса, жаннатда ўзлари билан қўшни бўлишдек шарафга эришишини айтганлар.

Ҳадисдан ўрганганларимиз

1. Ислом дини етимларни моддий ва маънавий томондан қўллаб қувватлайди.
2. Расулуллоҳ саллаллоху алайҳи васаллам мусулмонларни етимларга ғамхўрлик қилишга чақирадилар.
3. Етимни қарамоғига олган киши жаннатда Пайғамбар алайҳиссалом билан бирга бўлади.
4. Расулуллоҳнинг кўрсаткич ва ўрта бармоқ билан ишора қилишлари - ўзларига жуда ҳам яқин бўлишини ифодалаш учун бўлган.

Манба: hadis.islom.uz



HADIS.ISLOM.UZ
NUBUVVAT MARVARIDLARI